



Халқ депутатлари вилоят Кенгашининг ўттиз учинчи сессияси: СУВ МУАММОСИ - МУҲИМ ҲАЁТИЙ МАСАЛА



Президентимиз Шавкат Мирзиёев раислигига шу йил 29 май куни ўтказилган видеоселектор йиғилишида қишлоқ хўжалигига ғўза парвариши, фалла ўрими, тақорорий экинлар ва сувдан оқилона фойдаланиш тадбирлари билан боғлик долзарб масалалар муҳокама этилди. Бу йил баҳорнинг салқин ва куруқ келиши пахта етиштиришда жиддий муаммоларни келтириб чиқармоқда. Ўтган йилнинг шу давридагига нисбатан ғўза ривожланиши анча орқада қолаётгани, парваришга жиддий эътибор такозо этилаётгани айниқса, культиваторлардан юқори даражада самараали фойдаланиш, тупроқни чукур юмшатиш, майда чопик қилиш, қишлоқ хўжалиги зааркунандаларига қарши курашиш ва назорат ишларига ўта масъулият билан ёндашиш талаб этилаётганигитаъқидланди.

Халқ депутатлари вилоят Кенгашининг ўттиз учинчи сессиясида худудимиз учун муҳим муаммо - сувдан оқилона фойдаланиш, сув танқислигининг оқибатларини юмшатиш, ғўзада кафолатли ҳосил яратишнинг кўшимча чора-тадбирлари тўғрисидаги масала кўриб чиқилди. Сессияни вилоят ҳокими, Олий Мажлис Сенати аъзоси Шуҳратбек Абдураҳмонов олиб борди ҳамда мамлакатимизда 1 июндан 1 июлгача «/ўзада кафолатли ҳосил яратиш зарбдор ойлиги» эълон қилиниши муносабати билан катта меҳнат ва харажат сарфлаб етиштирилган ҳосилни тўла сақлаб қолиши мақсадида фермер хўжаликлари раҳбарлари, тизим ходимлари, мутасаддиларнинг сувчи ва механизатор, аграр соҳа олимлари, аграномлар билан биргаликда барча бўғиндаги депутатларнинг ҳам сафарбарлиги эълон қилингани хусусида сўз юритди.





Парламент вакили - Олий Мажлис Сенати раисининг ўринбосари Светлана Ортиқова давлатимиз раҳбари томонидан видеоселекторийиғилишида белгилаб берилган вазифаларнинг моҳияти хусусида фикр-мулоҳазаларини билдириди. Вилоятда сув захиралари ва улардан фойдаланишнинг аҳволи, экин ерлари, жумладан пахта майдонлари учун сувга бўлган эҳтиёж, ундан оқилона фойдаланиш юзасидан туманларда кўрилаётган чора-тадбирлар тўғрисида Норин-Қорадарё ирригация тизимлари ҳавза бошқармаси бошлиғи Хушнудбек Ҳамидов, пахта майдонларида суғориш тадбирларининг бориши ҳамда мавжуд муаммоларни бартараф этиш юзасидан фермер хўжаликларида ҳал этилаётган масалалар ҳақида вилоят кишлоқ хўжалиги бошқармаси бошлиғи Аъзамжон Йўлдошевнинг таҳлилий ахборотлари тингланди.

Вилоятимизда 267 минг гектар сұғориладиган майдон мавжуд. 2018 йилда Норин ва Қорадарёда күп йиллик ўртача меъёрға нисбатан 80-85 фоиз сув бўлиши кутилмоқда. Ҳудудимиз бўйича бир йилда 3,1 миллиард кубометр сув талаб қилинади ва амалда 2,774 миллиард кубометр сув бўлиши кутилмоқда. Вегетация мавсумида экинларни сұғориш долзарб масалага айланди.

Олий Мажлис Сенатининг Ёшлар сиёсати ва спорт масалалари қўмитаси раиси Иқбол Мирзаалиев, Сенатнинг Конунчиллик ва суд-хукуқ масалалари қўмитаси раисининг ўринbosари Толибжон Мадумаров кун тартибидаги масалага муносабат билдириб, бугун фермер ва дехқон хўжаликлари ҳамда томорқа эгаларидуч келаётган муаммоларнинг ёнимини топиш, белгиланган чора-тадбирлар ижроси юзасидан депутатлик ва жамоатчилик назоратини таъминлаш механизmlари ҳақида гапирдилар.

Вилоят сув хўжалиги бошқармасида ва ҳар бир тумандаштблар ташкил этиш, тизим раҳбарлари ва мутахассислари билан ҳамкорликда депутатлар ҳамда жамоатчилик вакиллари аҳоли ўртасида тушунтириш-тарғибот ишларини кучайтириши зарур. Ҳар бир депутат ўз сайлов округидаги фермер хўжаликлари ва сув истеъмолчилари билан биргаликда муаммоларни ҳал этиш йўлидан бормоғи керак.

Вилоят фермер, дехқон хўжаликлари ва томорқа ер эгалари уюшмаси раҳбари Бегали Қодиров, бош прокуратура хузуридаги Агросаноат мажмуи ва озиқ-овқат хавфсизлигининг таъминланиши устидан назорат қилиш инспекцияси вилоят бошқармаси бошлиғи Камолиддин Парпиев слайдлар асосида зарур маълумотлар бердилар.

Сессияда депутатлар томонидан Рустамжон Исматиллаевни вилоят хокимининг қишлоқ ва сув хўжалиги масалалари бўйича ўринbosари этиб тайинлаш тўғрисидаги қарор тасдиқланди. Шунингдек, ҳалқ депутатлари вилоят кенгаши сессиясининг сувдан оқилона фойдаланиш юзасидан алоҳида қарори ҳам қабул қилиниб, тасдиқдан ўтди.